

EMIKORRE EKWATAINE N'OBUGABE BW'ABANTU

Omodumo gw'Amafuta Agatakakenenwirwe ogw'omu Mahanga ga Buturuka Izooba obw' Afirika ogumanyirwe nka East African Crude Oil Pipeline (EACOP) harumu okweraganiza okuta ekitiinisa omu bugabe bw'abantu n'okuhondera ebiragiro byona ebisemeriire omu biturukukora byona kandi n'okuta omu nkora Emikorre y'Ekitongole ky'Ensi Yoono Ekwataine n'Emirimo y'Entaahya hamu n'Obugabe bw'Abantu, Emikorre y'Ekitongole ky'Ensi Eyoleka Enkora Eina Kuhonderwa Ebitongole omu Nsi Yoono, Emikorre y'Ebitongole Ebikorra Hamu Emirimo ha Idaara ery'Ensi Yoono, ensororokano ez'amaani ez'Ekitongole ky'Ensi Yoono Ekikora ha Nsonga z'Abakozi hamu Emikorre ey'Okwegondeza habu'Okwerinda n'Obugabe bw'Abantu.

Emikorre ekwataine n'obugabe bw'abantu neegendera kuhikya ha bantu amakuru agakwataine n'obugabe bw'abantu obunyakwesigama ha Mudumo gw'Amafuta ogwa EACOP obwo amakuru ganu nigahikibwa hali abanyakukwatwaho abali omu ihanga n'abo abali aheeru y'eihanga.

OMU MIRIMO YAITU YOONA EKWATAINE N'OMUDUMO GW'AMAFUTA OGWA EACOP NITWERAGAANIZA KUKORA BINU:

- Okuta ekitiinisa omu bugabe bw'abantu obu turaaba tuli omu kwirukaniza emirimo yaitu.
- Okwetegereza obulyo obutairweho kwehara okurubatirra obugabe bw'abantu nitwesigama ha nkora ey'okuzoora bintu ki ebisobora kurugirraho akabi, okupima, okukora, okuhondekerra kandi n'okubaza ha bintu eby'akabi ha bugabe bw'abantu kandi na ha bintu ki ebisobora kuleetwaho emirimo ekwataine n'omodumo gw'Amafuta ogwa EACOP, otwaliremu n'okufa ha bugabe bw'abantu abaceke kandi n'abantu abatwarwa kuba bali ab'omu kicweka okusigikira ha ngenderwaho ey'ensi yoono, obwo nibo banu; Maasai, Akie, Barbaig na Taturu.
- Okufaayo ha kikura ky'abantu nk'abakazi rundi abasaija kandi n'okurwana muno kurora ngu abakazi nibakururirwa, nibeetaba kandi nibakuraakurana obu turaaba nitukora emirimo yaitu.
- Okwikazaaho enkoragana hagati y'abanyakukwatwaho otwaliremu okuhikyanganaho amakuru, enkora y'okwehanuuzanganaho enungi kandi ey'amakuru kandi n'okuhanuura n'abo abanyakukwatwaho babe nibasobora kuhayo ensonga zaabu bataine kutiina kwona.
- Okwehanuuzza ha nsonga yoono omu mulingo ogwikirizibwa omu ngeso z'obuhangwa ez'ekicweka, nikikorwa omu bwire kandi omu kutamu ekitiinisa abantu b'ekicweka abatalibaniziiibwe emirimo yaitu kandi n'okuhandiika ensonga n'ebigambo by'abantu abo kakuba kyetaagisa.
- Okutaho obulyo bw'okumara ensonga ez'abantu abarukwatwaho abatalibaniziiibwe nikikorwa kuraba omu kuhikiriza emikorre y'okumara ensonga eyeesigama ha Mikorre y'Ekitongole ky'Ensi Eyoleka Enkora Eina Kuhonderwa Ebitongole omu Nsi Yoono.
- Okurora ngu omu by'enyikara ha mulimo n'ensasura, abakozi b'omodumo gw'Amafuta ogwa EACOP nibateekwamu ekitiinisa eky'obuntu kandi na kampuni rundi ebitongole ebitupataine nabyo kutukorra emirimo rundi kutuguzza ebintu nibikora ekintu nikyo kimu. Kinu nikitwarramu okutaho ekiikaro ky'okukorramu ekirungi kandi ekitarumu kabi hali abakozi batangirwa okugwibwaho obutandwa, obuhuta kandi n'endwara ezeesigama ha mulimo.
- Okutanga - Ebikorwa eby'okusoroora omuntu okusigikira ha burugo, ekikura nk'omusaija/mukazi, emyaka, obulema, enyeerabya nk'omusaija/mukazi rundi ha nkwatana omu by'ediini rundi ebitebe. - Ebikorwa eby'omulingo gwona eby'okuturugunya - Okuhahiriza rundi kukozeza omuntu eby'empaka - Okukozeza abaana abato
- Okuta ekitiinisa omu bugabe bw'omuntu obw'okubaza ha nsonga, okwebazaho, okutunga amakuru, okwegaita, okusaba ekintu muli hamu, obugabe bw'okuteekereza, okurora ensonga nkooku orukwenda n'ediini.
- Okumanyirra omulimo omukuru ogukorwa ebitongole ebirwanirra obugabe bw'abantu (nkooku gusobororwa omu Kirangirro ky'Ekitongole ky'Ensi Yoono eky'Ebitongole Ebirwanirra Obugabe bw'Abantu eky'1998) omu kutwara omumaiso n'okurwanirra obugabe bw'abantu. Titwikiriza bikorwa byona eby'okutiinisa, kutiinisiriza, kubuza ha muntu obusinge, rundi okuturugunya abo abarukwegondeza omu bugabe bwabu obw'okubaza ha nsonga, kuhakaniza rundi kwetaba omu ruteerano obwo nikirugirra ha mirimo yaitu rundi ebiturukukora. Tutwara nk'ekintu kikuru muno ensonga y'okuhooora enzigu yoono eba ereeserwe.
- Okutwara omumaiso ensonga ez'okwegondeza habu'okwerinda n'obugabe bw'abantu obu tuba nituhanuura n'abaserikale ba gavumenti boona kandi tuzita omu nkora omu kukozeza abaserikale b'ebitongole ebitali bya gavumenti.
- Okumanyisa gavumenti hali tuli n'abandi abanyakukwatwaho nkooku tweragaaniize okuta ekitiinisa omu bugabe bw'abantu. Hali ali obutakwatagana hagati y'ebinyakusabwa omu biragiro n'emikorre enu ey'obugabe bw'abantu, aho tukuratira emikorre y'obugabe bw'abantu eyatairweho ha idaara ery'ensi yoono nitukikora omu mulingo gwona ogurukusoboka.
- Okuta omu nkora emikorre enu kusobora kugarukamu kwekebeijwa akatebe akarukujunaanizibwaho kandi n'okugarurwa buhyaka kusigikira ha kweraganiza kwaitu okw'okwongera kusemeza enkora.

Emikorre enu neekwata ha bakozi boona ab'omodumo gw'Amafuta ogwa EACOP. Nitutereera ebitongole ebitukoragana nabyo n'ebyo ebitwakwasize emirimo, okwerabya omu mulingo ogurukwesigama ha bucweka obuli omu mikorre enu. Tufaayo muno okwongera kukoonyera abantu kumanya n'okuta ekitiinisa omu bugabe bw'abantu nitukikora n'ebitongole ebitukoragana nabyo omu kwirukaniza emirimo, otwaliremu okweyuna n'okukozeza enkora y'ebiragiro n'okupatana emirimo, okutendeka n'okutwara omumaiso enkora ey'okukwataniza n'abanyakukwatwaho kakuba kyetaagisa.